



Inatsisartut Suleriaasianni § 33 naapertorlugu aalajangiiffigisassatut siunnersuut imaattoq matumuuna saqqummiuppara:

**Provstudvalgip atorunnaarsinneqarsimanerata nalilersueqqittoqarnissaanik UKA2019-imut piunasaqaat. Nalilersuinerup imarissavaa provstudvalgip atorunnaarsinneqarnerani sunniutit suut uuttuuttigineqarsimanersut neriutillu suut eqquussimannginnersut. Nalilersuinerup naggataarutaasumik imarissavaa provstudvalgip atulerseqqinneqarnissaanut suut innersuussutaassanersut Naalakkersuisut peqquneqarnissaannik Inatsisartut aalajangiiffigisassaattut siunnersuut.**

(Inatsisartunut ilaasortaq Jens Napātôk', Partii Naleraq)

**Tunngavilersuut:**

Provstudvalgeqarnek 2010-mi ilagiinniit atorunnaarsinneqarpoq. Atorunnaarsinneqarneranut pissutaavoq ilagiit aningaasartuutitigut sipaaruteqarniassammata.

Tamanna takuneqarsinnaavoq Ilageeqarnek pillugu Inatsisartut inatsisaat nr. 9, 19. Maj 2010-imeersoq-mi provstudvalgip sooq atorunnaarsinneqarsimanera nassuiarneqarmat imatut:

*“3.3 provstudvalgip atorunnaarsinneqarnera. Uani nanineqarpoq provstudvalgip atorunnaarsinneqarnerani allaffissornikkut aamma aningaasartuutitigut sipaarniarartoqarsinnaasoq tamannalu tamaginnut iluaqutaassasoq...Naalakkersuisut tungaanniit provstudvalgip atorunnaarsinneqarnerani annertugaatsiartumik allaffissornikkut aamma aningaasartuuteqarnikkut sipaarsinnaaneq isigineqarpoq.”*

Provstudvalgi suua?

Provstudvalgimut ilaasortat ilagiit sinniisaanniit qinerneqartarput aammalu ilagiinni sulinermi ilagiinni siuarsaaqataanissaq, atorfinititinermi aalajangersaasarnerit taamatullu oqaluffiit aningaasatigut aqunneqarnerat akisussaaffigalugu il.il.

Uani tigusami provstudvalgip sulerisarneranik inatsit pisoqaq aallaavigalugu, Inatsisartut peqqussutaat nr. 15, 28. Oktober 1993-imeersoq malillugu ilagiit pillugit aningaasaqarnikkut akisussaaffiit agguataarsimanerat imatut allaqqasoqarpoq:



*§ 21. Provsteqarfimmi ataatsimiititaliaq ilagiit sinnersaasa inassuteqarnerat malillugu provsteqarfimmi ingerlatsinermut atugassanik ukiumoortumik aningaasatigut missingersuusiusaaq aningaasallu atugassanngortitaasut akisussaaffigissallugit Naalackersuisunit aalajangersakkat malillugit.*

Ilagiit aningaasaqarnerat qanormita ingerlasimava, sipaarniarluni atorunnaarsinneqarnerisa kingorna, aningaasanimmu nakkutilliisut tassaammata provstudvalgi.

Tamanna iluamik nakkutigineqarsimanngitsoq takusinnaavarput. Ataasiartumilluunniit qanoq sunnuteqarsimanersoq imaluunniit assigisaanik ilisimaneqanngilaq. Taamaallaat takusinnaavarput provstudvalgip atorunnaarsinneqarnerata kingorna ukiuni kingullerni aningaasanut inatsimmi ilagiinnut atugassanngorlugit illikartitat qaffakkiartuinnarsimanerat.

Taamaattumik Naalackersuisut peqquneqarput ilumut Ilageeqarneq pillugu Inatsisartut inatsisaat nr. 9, 19. Maj 2010-imeersoq sipaarnuteqarniarluni aammalu eqaallisaaniarluni ilagiit pillugit aningaasaqarniarnerannik nakkutilliisuut atorunnaarsissallugit siunertamut iluatsissimanersoq misissussallugu.

**Pisortanut aningaasatigut allaffissornikkullu kingunerisassai:**

Siunnersuut akuerineqarpat naatsorsuutigineqarpoq ukiup  $\frac{1}{4}$  -  $\frac{1}{2}$  ilisimatusarnikumit suliarineqassasoq, tamannalu pisortanut 125.000 – 250.000 koruuninik naleqassasoq. Takorloorneqarsinnaavoq ilagiit sinniisaannik peqataatitsinerulerneq suliamik akitsorsaataasinnaasoq.

**Namminersortunut aningaasatigut allaffissornikkullu kingunerisassai:**

Namminersortunut allaffissornikkut aamma aningaasartuutitigut sunnuteqarnaviannngitsoq ilimagineqanngilaq

**Innuttaasunut aningaasatigut allaffissornikkullu kingunerisassai:**

Innuttaasunut allaffissornikkut aamma aningaasartuutinik kinguneqarsinnaanera ilimagineqanngilaq.



partii naleraq

FM2019/65  
14-02-2019